



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazard, Cornelius

Antverpiæ, 1688

Discursus XXXI. Iacob moritur.

[urn:nbn:de:hbz:466:1-52700](#)

diere. 1. *Saul* primus rex *Israëlis*, qui multas insignes victorias & prædas ex hostibus retulit. 2. *Eſther* regina, & *Mardochæus* ejus avunculus, qui triumpharunt de *Amano* crudelissimo illorum persecutore. 3. *D. Paulus* Apostolus, de quo *Augustinus* Serm. 14 de *Sanct.* discurrit hoc modo: Erat *Paulus* de tribu *Beniamin*: Cum autem *Jacob* benedicens filios suos, venisset ad benedicendum *Beniamin*, ait de illo:

Beniamin lupus rapax. Quid ergone semper erit lupus rapax? Ab sit, sed qui mane rapit prædam, vespere dividet spolia. Hoc in A. apostolo *Paulo* impletum est, quia de illo dictum erat.

Videte ergo 1. *Paulum* ut lupum rapacem. *Saulus*, inquit Scriptura, acceptis Epistolis à principibus Sacerdotum, ibat, ut ubique inveniret Christianos, ad Sacerdotes attraheret & adduceret, utique puniendo. Ibat spirans minarum & cædis in discipulos Domini, & aderat quando *Stephanus* lapidatus est, & magis sæviebat omnes adjuvando, quam suis manibus lapidando. En primo lupum rapacem. Sed voce Christi prostratus de cælo cedit in faciem suam, & factus ex lupo Apostle, quantas tunc prædas animarum eripuit diabolo, quam acriter contra illum, omnesque ejus ministros depugnavit, & spolia sua inter gentes divisit prædicando illis doctrinam cælestem, & spargendo in illorum animis Christianas virtutes. Hic tandem finis benedictionum *Jacob*.

DISCURSUS XXXI.

Jacob moritur.

Finitis mandatis, inquit Scriptura, quibus *Jacob* filios suos instruebat, collegit pedes suos super lectulum, & obiit.

Erexerat se ut benediceret filiis, sedebatque in lecto pedibus dependentibus, nunc finito sermone, illis exterritum valedicens, retraxit pedes suos supra lectum, & suaviter tradidit spiritum, quod cernens *Ioseph* ruit super faciem patris flens, & deosculans eum, in signum doloris flevit, in signum vehementis affectus, deosculatus est.

Mortuus est *Jacob* anno mundi bis millesimo ducentissimo quinque.

quagesimo sexto, ætatis suæ centesimo quadragesimo septimo: Tot patriarchæ illum præcesserant, de singulis dicit Scriptura, mortuus est. Ita Genes. cap. 5 dicit: *Vixit Adam nongentis triginta annis, ingens tempus!* sed tandem mortuus est: *Vixit Seth filius ejus nongentis duodecim annis, finis tot annorum mors fuit, mortuus est.* Vixit Enos nongentis quinque annis, & mortuus est; *Vixit Mathusalem nongentis sexaginta novem annis, clausula tot annorum mors fuit, & mortuus est.* Ita de reliquis loquitur Scriptura: Denique nil facit tempus tam longum, nihil tot anni, tandem morsomnia finit, sive ut loquitur Poëta: *Mors ultima linea rerum.*

In hoc ergo tota hominis vita consistit, *vixit, & mortuus est,* utrumque momentum est: In ictu enim oculi, ut quidam ait, clauduntur omnia. Vita stadium est, in hoc alii currunt per plateas voluptuosæ Babylonis, medias per voluptates, delicias, & sensualitates, & vanitates, & concupiscentias oculorum, quid tandem erit? mors cursum illum aliquando sistet, dicetque non plus ultra, finemque imponet omnibus voluptatibus ac vanitatibus.

2 Vita locus certaminis est, hic alii currunt post victorias & gloriam mundi, mors currentes subito occupat, & simul tot trophae, tot signa ac vexilla relata ex hostibus, partaque ex illis gloria in nihilum recidunt.

3 Vita forum est, in quo alii negotiantur, lucrantur, congregant divitias atque thesauros, donec tandem veniat mors, & finem imponit divitis ita ut nihil possit auferri. Mors omnia finit.

4 Vita schola est in qua homines miris cogitationibus ac speculationibus se exercent, disputant, altercantur, scribunt de atomis, de lana caprina: quid tandem? moriendum est, tunc cogitationes omnes illæ ac subtilitates in ictu oculi evanescunt.

5 Vita circulus est qui redit ad idem punctum, incipit à pulvere, & in pulvrem revertitur, juxta illud quod dixit Deus Adamo: *Pulvis es, & in pulvrem revertēris.*

Denique vita ludus scaccorum est, ubi alii partes regum agunt, alii equitum, alii peditum, sed sicuti absoluto ludo, omnia instrumenta suis deque miscentur, & in unum saccum conjiciuntur, sic finiente morte vitam, simul in unum dives & pauper: Finis omnium, clausula omnium est mors. Impares nascimur, pares

pares morimur : Hic nascitur dives, hic nobilis, ille rex ; iste in cubili deaurato , alii è contrario nascuntur pauperes , in paupere casa , in stramine , nihil refert , quamvis enim impares sumus in vita , omnes tamen pares futuri sumus in morte.

Hoc unum in vita spectandum nobis est ut moriamur sicut *Iacob*, hoc est , ut moriamur in Domino: Clamat enim *Ioannes Apo.* Cap. 14. *Beati mortui qui in Domino moriuntur : Et David Psal. 115. Pretiosa in conspectu Domini mors sanctorum ejus.*

Huc tandem conatus nostri omnes , omnesque vires ac cogitationes collimare debent . Frustra succedunt reliqua , nisi pretiosum exitu coronentur . Reliqui vitæ nostræ dies quasi membra sunt pulcherrimæ statuæ , quorum caput & princeps est dies supremus . Hoc destituta capite , quamvis formosissima statua , monstrum est : *Iudas* formosissimos habebat pedes quando instar Apostoli discurrebat cum cæteris per pagos & urbes , ut Euangelium prædicaret ; dicit enim Scriptura : *Quam speciosi pedes Euangelizantium pacem & bona !* Habebat peccatum argenteum , quando meruit Servatoris nostri imbui doctrinâ atque præceptis : Habebat brachia & manus aureas quando laborabat pro Christo in salutem animarum , sanabat ægros , & dæmones ejiciebat , sed quia isti statuæ caput belluinium imposuit , supremumque vitæ diem se suspendendo foedavit , frustra fuere reliqua membra tam speciosa . E contrario : Quia Petri & Pauli pretiosa mors extitit , ideo inter statuas domus Domini principem locum meruere .

Ergo hoc unum præ cæteris nobis agendum est , ut nostra mors pretiosa sit , ex qua toti vitæ tantum accedit dignitatis & gloria . *Pretiosa in conspectu Domini mors sanctorum ejus.* Quo pacto hoc fieri si vita pretiosa fuerit in conspectu Domini . Vita enim mortis præludium est : Vitæ dies non postremi , depingunt diem supremum : Ut vixeris , sic occumbes : Non erit sine pretio mors , si vita fuerit pretiosa . Quapropter illo colore vitam depingas quo vis mortem tuam depungi . Tu fac ut totam vitam transfigas in conspectu Domini , & in conspectu Domini , sive in Domino morieris : mori autem in Domino , idem est quod mori servum Domini ; sic dicitur de *Moysè Iosue* cap. 1 *Moyses servus Domini mortuus est.* Hoc est , inquit *Cajetanus* , licet quandoque peccaverit , & peccando non fuerit servus meus , tamen mortuus est servus meus : Sic enim mortuus est , ut , quidquid erat , quidquid agebat , divinum esset .

Illi etiam servi Dei moriuntur in Domino, qui morientes quasi in fin Domini conquiescunt, & sic quiescendo suaviter in morte obdormiscent: Ita Stephanus inter saxa, lapidantiumque tumultum & fremitum, obdormivit, inquit Scriptura *Acto. cap. 7, in Dominio*. Ita & Lazarum amicum suum, cum esset mortuus, dixit Christus dormire.

O beati, qui sic in Domino moriuntur, & quare potissimum beati? quia *opera illorum*, inquit *Ioannes*, *sequuntur illos*: Sequuntur unquam famuli Dominum suum, tanquam filii suum patrem, discipuli suum magistrum, milites suum ducem, nobiles suum regem, sequuntur usque ad tribunal Dei, deducunt & comitan- tur usque ad supremam curiam Dei. Sicut ergo quam nobilis sit aliquis ex famulorum numero & ornatu cognoscitur: Ita qui ante regem gloriae digne vult comparere, debet sibi providere de tot famulis bonorum operum ut quam ornatissimus compareat. Eo enim excipietur splendidius quo plures tales famulos habuerit in comitatu.

Pretiosa vita, pretiosam mortem facit, pretiosam autem vi- tam faciunt opera, & illa pretiosam mortem faciunt, quia simul cum moriente abeunt ex hac vita ad alteram. Ideo pretiosissima fuit mors Patriarchæ *Iacobi*, quia mortuus est plenus bonis operibus, eoque pretiosior quod vitam duxisset plenam miseriis quas summa cum patientia tolerarat. Quis enim describat omnia quæ bonus ille Patriarcha tota vita fuerit passus? 1. Ob iram & minas fratris sui *Esaui* coactus fuerat relicta domo paterna fugere in *Meso- potamiam*. 2. Apud *Labanum* avunculum viginti annis durissimam ser- vitutem perpeccus est. 3. Redux in patriam *Esaui* fratrem sibi cum quingentis armatis occurrentem in via metu magno perculsus ex- sumuit. 4. Valde afflictus fuit stupro *Dinæ* filiæ suæ, & crudeli- tate barbara quam ejus filii exercuerant in principem *Sichem*, ejusque subditos omnes. 5. Mors *Rachelis* conjugis, quam summopere diligebat, in ipso partu morientis, maximo illum luctu affecit. 6. Peccatum primogeniti *Ruben* quod commiserat cum noverca sua illius animum potenter turbaverat. 7. *Iosephum* viginti tribus annis tanquam à fera disceptum, affidue deploraverat. 8. Fames & annonæ caritas quæ erat in *Chanaan*, ubi habitabat, magnas il- li molestias facefiverat quod deberet mittere filios suos ad qua- tendund panem in *Ægypto*. 9. Quis dolor illi fuerat quod *Simeon*

Dd

ejus

210 ejus filius à *Josepho* detineretur in vinculis , quod *Beniamin* deberet abduci in *Ægyptum* : tantus hic dolor fuit ut diceret se moritum . 10. Tot itinera , & profectiones quas vel jubente Deo , vel ex necessitate , confecerat.

Has aliasque plures anxietates , dolores , & cruces , quas à solis filiis passus fuerat , expressit in morte cum illis futura prediceret.

Tu Ruben , inquietabat , primogenitus meus , caput familiæ , quæ cæteris consilio & exemplo esse debebas , *sicut principium doloris mei* , quia maculasti stratum patris tui .

Vos vero *Simeon* & *Levi* induxitis patrem vestrum in periculum mortis , quando occidistis in *Sichem* tot viros innocentes .

Tu vero Iuda , quem omnes adorant , peccasti cum nuru tua , & quanta tædia inde sum passus .

Et tu *Zabulon* quem prævidebam magnum aliquando fore negotiatorem , navesque mercibus onustas missurum in omnibus mundi plagas , in quas curas me conjectavi & timores , ne merces & naves tuæ perirent , & tu ad pauperiem devenires ?

Sciebam *Issachar* habitaturum ruri , ac tributis misere opprimendum : Miseriae tuæ erant meæ . Tu cogita quis mihi tunc fuit sensus .

At tu unica filia mea *Dina* , ubi es ? tu in juventute tua , innullam maculam familiæ tuæ numquam eluendam , quia dum curiosavagaris per urbem gentilium , deflorata es . O quantus ille cruciatus erat animo meo !

Hic vides quam miseram , & tædiosam , & plenam doloris *Jacob* duxerit vitam : Ergo jam cogita quam pretiosa fuerit eius mors in conspectu Domini , cum nihil pretiosiorem faciat mortem quam multa patienter ferre in vita pro Domino . Tot enim coronis à Domino honoramur in morte , quot miserias pro illo passi sumus in vita .

DIS.